



6. december 2010

Inatsisartut suleriaasiat § 37 naapertorlugu Naalakkersuisunut imaattumik apeqquteqarniarpunga.
(Kristian Jeremiassen, Siumut)

Naalakkersuisunut Apeqqut

Ilimanami talittarfeqarnikkut qaqagu pitsanngorsaasoqarniarpa?

Tunngavilersuut

Ilimanami talittarfeqarnikkut ukiorpassuarni ajornartorsiuteqartoqarpoq, ajornartorsiullu tamanna qaangerniarlugu Naalakkersuisut qanoq pilersaaruteqarnersut paaserusuppara.

Ilulissat takornarissat ornigarluartarpaat aamma tamanna Ilimanamut sunniuteqarpoq, takornarissallu 1000-it sinneqartut Ilimanamukartartartut innuttaasunit ataatsimiisitsininni oqaatigineqarpoq.

Imaq aalalaartillugu inunnnik angallassissutit sinersortaait tulassinnaaneq ajorput, taamaalilluni Ilimanaq qaangiinnarneqartarluni. Aammalu takornarissanit angallassissutit tulassinnaaneq ajorput taamaalilluni takornarissat misigisassaasat pinngitsoortinneqartarlutik taamaalillunilu Ilimanami aningaasat isertinneqartussaagaluit isertinneqanngitsoortarput.

Ilimanami innuttaasut aammalumi Ilimanami innuttaasuunngitsut Utoqqaat pitsorluttullu ilimanamukarniartut aammalu ilimanamiit aallarniartut assut ajornartorsiortarnerat inuunermullu ulorianarsinnaanera malugilluartaarpaat talittarfilunnaera pissutigalugu, tassami aalalaartillugu talittarfik ulorianarluinnartarmat.

Taamaammat paaserusuppara qaqagu talittarfeqarnikkut Ilimanami pitsanngorsaasoqarniarnersaq.